

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-29211/25
Sarajevo, 29.01.2026. godine

Na osnovu člana 24. a), člana 28. i člana 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 26. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku, Općinski načelnik donosi:

ODLUKU

I

Prihvata se ponuda ponuđača „Ted invest“ d.o.o. Sarajevo sa ponuđenom cijenom za ugovor u iznosu od 27.032,40 KM bez PDV-a, odnosno 31.627,91 KM sa PDV-om, u predmetu pregovaračkog postupka bez objave obavještenja o nabavci – „Izvođenje dodatnih radova na izgradnji kanalizacionog kolektora u području ulice Safeta Zajke do spoja sa ulicom Brezanska, po ugovoru broj 02/12-19-19471/23“.

II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

Obrazloženje

Služba za investicije i komunalne poslove je aktom broj 02/08-19-5662/24 od 24.12.2025. godine podnijela zahtjev za pokretanje procedure pregovaračkog postupka za izvođenje dodatnih radova na izgradnji kanalizacionog kolektora u području ulice Safeta Zajke do spoja sa ulicom Brezanska, po ugovoru broj 02/12-19-19471/23, a shodno aktu stručno-tehničkog nadzora „Panacon“ d.o.o. Sarajevo broj 11045-25 od 15.11.2025. godine u kojem konstatuju da se tokom realizacije predmetnog ugovora ukazala potreba za izvođenjem opravdanih dodatnih radova koji su neodvojivo vezani za uspješnu realizaciju ugovora u tehničkom smislu, a zbog odstupanja između projektovanog i stvarnog stanja na terenu, a odnose se na vraćanje saobraćajnice u zoni zahvata u prvobitno stanje, izradu podložnog betona ispod RO slivnika radi obezbjeđenja stabilnosti i trajnosti i nabavku i ugradnju zaštitnih rukohvata.

Na osnovu naprijed navedenog Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o pokretanju postupka javne nabavke br. 02/12-19-29211/25 od 30.12.2025. godine - „Izvođenje dodatnih radova na izgradnji kanalizacionog kolektora u području ulice Safeta Zajke do spoja sa ulicom Brezanska, po ugovoru broj 02/12-19-19471/23“, pregovarački postupak bez objave obavještenja o nabavci. Služba za zajedničke poslove je potom uputila poziv za učešće u pregovaračkom postupku broj 02/12-19-29211/25 od 31.12.2025. godine ponuđaču „Ted invest“ d.o.o. Sarajevo.

Zapisnikom o otvaranju ponuda od 15.01.2026. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda ponuđača: „Ted invest“ d.o.o. Sarajevo.

Komisija je izvršila analizu dostavljene inicijalne ponude i utvrdila da ispunjava formalno-pravne uslove utvrđene pozivnim pismom, te je nakon izvršene analize jediničnih cijena od strane stručnih tehničkih lica komisije pristupljeno postupku pregovaranja sa predstavnikom ponuđača.

U toku postupka pregovaranja dana 16.01.2026. godine stručna tehnička lica Komisije su pregovarala sa predstavnikom ponuđača o mogućnosti smanjenja cijene ponude, te je Komisija pozvala ponuđača na mogućnost davanja popusta na ponudu, a izvođač je naveo da su cijene tržišne i da su jednake onim iz osnovnog ugovora.

Ponuđač je dostavio konačnu ponudu br. 03-07/26 od 19.01.2026. godine sa ponuđenom cijenom za ugovor u iznosu od 27.032,40 KM bez PDV-a, odnosno 31.627,91 KM sa PDV-om. Komisija je izvršila računsku kontrolu ponude i konstatovala da nije bilo računske greške, da ponuđač nije dao zbirni popust na ponudu, ali je nakon postupka pregovaranja smanjenja jedična cijena za poziciju IV – Izrada novelacije glavnog projekta. Nadalje, stručna tehnička lica Komisije su izvršila uvid u osnovni ugovor zaključen sa ponuđačem, ugovore koji za predmet imaju slične radove, kao i mišljenje stručno tehničkog nadzora, te su stručna tehnička lica Komisije mišljenjem broj 02/12-19-29211/25 od 27.01.2026. godine konstatovala da su sve jedinične cijene u skladu sa trenutnim tržišnim cijenama i data je preporuka za prihvatanje ponude i zaključenje ugovora.

Imajući u vidu navedeno, na preporuku Komisije za javne nabavke radova, a primjenom člana 28. i člana 64. stav 1. tačka b) Zakona o javnim nabavkama ("Službeni glasnik BiH" broj 39/14, 59/22 i 50/24), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik
mr. Semir Efendić